

Inkama ya Kulingilwa Kabela

“Muli uyo kabili twalengelweko icakupyaninina, pa kulingilwa kabela ku kwetetula kwa ubomba fyonse ku kupanga kwa kufwaya kwakwe: Ku kuleka ifwe tube ku kutashiwa kwa bukata bwakwe, fwe babalilepo ukucetekela muli Kristu” (Abena Efese 1:11-12).

IFwe twalilandile pe shiwi “ukulingilwa kabela”, cilya cilapunwinsha abengi muli bena. Cena Cebo cakwa Lesa. Ena alabomfya cena, **“pantu twalilingilwe kabela ku Cebo cakwa Lesa”** (Abena Efese 1:3-5). Kabili ilyo mwalingilwa kabela, cinshi, cena cilingile ukucitika, pa mulandu cena ni cilya. **Lesa ali musalile pa mulandu Ena alishibe ifyo mwali no kucita ukufuma pa ntendekelo.** [1]

Nomba, Ibuku Iya Bena Efese, kwi tontonkanyo lyandi, **lyaba ni limo pa Mubuku ayakalamba nganshi aya mu Cipingo Cipyu.** Lilatusha ifwe palya epo Calvinism (ukulingilwa kabela umupwilapo) kulaya ku musambo umo, kabili Armeniasim (takuli ukulingilwa kabela) kulaya ku musambo umbi, lelo ibuku Iya Bena Efese lilabika cena pamo no **kubika ulukuta mu cifulo.**

Ukusalwa kulolekesha kunuma ku kwishibila kabelu, kabili ukulingilwa kabelu kulolekesha ku cifulo. Mwilabako cilya, ukutila ukusala kulolekesha kunuma kuno, ici cili apa, “Nali munganunshi. Nafyalilwe mu lubembu, ukupangwa mu mampulu, naishile pe sonde ukulanda ubufi, nafyalilwe pakati ka babembu. Ba tata na ba mayo no lupwa lwandi lonse, aba bembu. Nali munganunshi. **Lelo mukupumikisha fye naishileba ingano nakabili.** Musangonshi cacitike?” **Cilya ni cinshi? Ukusala. Lesa, ilyo mufula**

we sonde taulalengwa, asalile ukutila munganunshi ali no kuba uluseke lwa ngano. “Nomba, naliishiba ndi uluseke lwa ngano, pa mulandu nalipusushiwa. Musangonshi ncitilamo cena?” Ilekesheni kunuma no kumona ukutila Ena alingile kabela cena, inshita yakale. Ku kwishibila kabela Ena alimwene ukutila ine nka Mutemwa Wene, e ico Ena alipangile icikonsolwelo ukupitila mu Mwana Wakwe Wine (11 Abena Korinti 5:18-19), ukutila ukupitila muli Wene ine nafuma kuli munganunshi ukwisa ku luseke lwa ngano. Nomba, nikwisa uko ndi nomba? Nali pusushiwa; ndeenda mu kusenamina kwakwa Lesa. Ni finshi ifyo ukulingilwa kabela kulolekeshako? Ku cifulo. Ni kwisa uko Ena akantwala, kabili nikwisa uko ndeya? Cilya nacikata imwe. Mwacimone co. [2]

Musangonshi cabupyani cesu capelwe kuli ifwe, ukupitila muli cinshi? Ukulingilwa kabela. **Ukulingilwa kabela e kwishibila kabela.** Musangonshi Lesa aishibe Ena engasubila imwe ukuba kashimikila? Ukwishibila Kwakwe kabela. *“Te ca ufwaya, nangu ubutuka iyo, lelo Lesa ubelela uluse” (Abena Roma 9:14-16).* Cilya cishinka. Ukulingilwa kabela, Ena aliishibe ico icali muli imwe. Ena aliishibe ico icali muli imwe ilyo tamulaisa na pesonde. Ena aliishibe ico cali muli imwe ilyo takulaba isonde kuli imwe ukwisapo. Ulya ni Wene. Ulya ni Lesa uwa muyayaya, uwa muyayaya. Ifwe tatuli uwamuyaya; ifwe kuti twatontonkanya fye pali nomba. [3]

Ena abikile umuntu pa kuisalila umwine, “Nga ukalya ici ukaba no mweo, nga ukalya cilya ukafwa” (*Ukutendeka 2:15-17*). Kabili umuntu onse uyo uwisa mwisonde **acili akwata icintu cimo cine. Lesa, ku**

kwishibila kabela Kwakwe, aliishibe uyo ukacita noyo ushakacite.

Ilipusho lyali ipushiwe kuli kasambilila wa fya bulesa, uyo ulesangwa mu kulongana atemwa ukumfwa tepu; atile, “Ilipusho limo. Lyena Lesa asangwa ukuli konse?” Elyo ena atile, “Ena kuti aba ukuli konse?”

Natile, “Ena tasangwa konse mu musango ifyo icebo cilanda ukusangwa konse. Ena teti abe Icibumbwa kabili lyena ukusangwa konse. Nga Ena asangwa konse, cinshi ico mwingapepela pa Mupashi wa Mushilo? Nga Ena asangwa konse, Ena alesusha umulale uuli onse, icifutu, apalepuka, akabulungwa konse, umushishipe, ifintu fyonse ifyabako. Cinshi ico Ena afwaile Mose nga Ena asangwa konse mukulekelesha? Cinshi Ena abutwike uku no ku mwibala Iya Edeni, ukubilikisha, ‘Adamu, Adamu, uuli kwi?’ Nga Ena asangwa konse? (*Ukutendeka 3:8-10*)

Ena asangwa konse pa mulandu Ena aishiba fyonse. Ena aliishiba ifintu fyonse, pa mulandu Ena wa muyayaya, ukuba uwa muyayaya cilenga Wene ukusangwa konse. **Pakuba uwa muyayaya, lyena Ena ekala mu myulu, Ena ekala mu ncende pa mulandu Ena Cibumbwa.**

Lelo pakuba uwa muyayaya, lyena Ena aliishiba ifintu fyonse, ukwishiba cila nshita ulupantila lukakapa ilinso lwakwe; ukwishiba ulushimu ululi lonse, uko lwena luya mu cinsa ukusenda ubuci bwa luko. Ena aliishiba inseba yonse iikala mu cimuti. Ena aliishiba itontonkanyo lyonse ilyaba mu mano yenu, pa mulandu Ena wa muyayaya kabili asangwa konse (*Amalumbo 139:1-18*). Cilya cili, Ena taba fye uwa muyayaya, Ena asangwa konse; Ena aliishiba ifintu fyonse. Lelo Ena aba Icibumbwa. **Lesa aba Icibumbwa,**

kabili ukufuma muli ici Cibumbwa mwatendeke ukuleta ifi.

E ico kanshi nomba, Lesa alibika. Ena aliilangisha kale Ena ni Lesa. Ena aliilangisha kale Umwine nga Kapususha: umuntu alilubile kabili Ena alitupususha (*Abena Efese 2:8*). Ena aliilangisha kale Umwine nga Kondapa (*Esaya 53:4-5*). Tacipanga ubupusano ubuli bonse ifyo abantu basosa Ena aba; kabili Ena aba, nangu cibe fyo, umusango umo wine. Ena ni Kondapa; Ena ni Kapususha; Ena ni Lesa; Ena wa Muyayaya. Kabili Ena alikwata ipange **kabili ipange Lyakwe lyali mu kutendeka, ukulenga ifibumbwa ifyo ifinga mutemwa Wene no kushinshimuna Wene.**

Kabili Ena alengele ifibumbwa, ne fibumbwa fyaliwile. Kabili lyena Lesa, ukuba wa Muyayaya, alolekeshe ukupita **mu mushilwa wa nshita** kabili amwene umuntu onse uyo uwingapusushiwa. Umuntu onse, **Ena aliishibe cena ku kwishibila kabela. E ico kanshi nga Ena, ku kwishibila kabela, aliishibe uyo ukapusushiwa kabili noyo ushakapusushiwe, Ena kuti alingila kabela** (*1 Timoti 2:3-4*). E ico kanshi, **pakutula kwingaba ukwikata balya abengacita**, Ena alipangile icikonsolwelo ku membu shabo (*1Yohane 2:2*).

Ena alingile kabela ifwe ku Mweo wa Muyayaya, ukwishiba ukutula balya **abo abengabika ku mbali ifintu fyonse**, kabili te mulandu ifyo cingaba icapusana mukumoneka ku bana aba ili isonde, cena kuti capilibula icintu cimo kuli bena, pa mulandu bena bali bana bakwa Lesa.

Kabili Ena ali betile bena (*Imilimo ya Batumwa 2:38-39*), kabili Ena atumine Yesu, pakutula Umulopa Wakwe wingaba icakukonsolwela, Umulopa wakukonsolwela, ucito kupapatila, atemwa ukusumina atemwa⁴ ukusangululwa, imitantikile ya kusangulula

cila nshinta, te nshita fye imo pa kupuputulwa kumo, lelo lyonse uwa mweo, ukucito kupapatila (*Abahebere 7:25*), **ukutula Umwinakristu alasungwa uwabusaka akasuba no bushiku**. Kuliko **Umulopa wakwa Yesu Kristu uyo ucito kukonsolwela pa lupanda** (*Abena Kolose 1:18-20*). **Mu Mulola wakwa Lesa, uyo lyonse utusangulula, akasuba no bushiku, ku lubembu lonse** (*Abena Roma 8:33-34*). Kabili ifwe tuli abacingililwa bwino mukati (*11 Timoti 2:19*). Ukubikwa mukati umusangonshi? **Ku Mupashi wa Mushilo mu Mubili wakwa Shikulu Yesu** (*1 Abena Korinti 12:13*) –**Kabili abacingililwa**. “Uyo umfwa Ifyebo Fyandi no kucetekela Uyo uwa Ntumine, nakwata Umweo wa Muyayaya kabili takese mubupingushi, lelo nafuma mumfwa aingila mu Mweo” (*Yohane 5:24*). Takuli nakabili ubupingushi, **Umwinakristu takatale ukuya mu bupingushi** (*Abena Roma 8:1*). **Kristu aile ukukonka wene**. Ndubulwila wandi aiminine mu cifulo candi. Ena apapete umulandu wandi, ukutula nshaishibe. Ena aebele Tata ukutula nshali uwalinga, ukutula nshaishibe. **Kabili Ena ali Ntemenwe kabili Ena asendele icifulo candi**, no kupapata umulandu wandi; **kabili ilelo ndi muntungwa**. Ee, mukwai. **Kabili Ena asumishe Umulopa Wakwe ukupela kulya pa membu shesu** (*Abahebere 9:11-12; Abena Roma 5:8-10*). [4]

Nomba, Umwana wa mpanga mu nshita iyakupapatila kunuma kulya, **Ena aliishibe ukutula kwaliko amashina yabo mulya ayabikilwe mulya ukutula ilyo mufula we sonde taulalengwa** (*Ukusokolola 17:8*), **kabili ilyo lyonse yalya amashina tayalati yalangishiwe pe sonde na nomba, Ena aliikele palya nga Kapapatila**. Bushe muleumfwa ici? **Ukupwifilika ukulingilwa kabelala...**

Cisuma, Ena ali ikele palya, pa mulandu Ena aishile mukufwila balya abo Lesa asontele ku Mweo wa Muyayaya (*Imilimo ya Batumwa 13:48*). **Ku kwishibila kabela Kwakwe Ena ali ba mwene bena, te ku bufwayo Bwakwe umwine. Ubufwayao Bwakwe ukutila takuli nangu umo ulingile ukonaika, lelo ku kwishibila Kwakwe kabela Ena aliishibe uyo uwingacita kabili no shingacita (1 Timoti 2:3-4).**

E ico kanshi ilyo lyonse ilyo kwaliko ishina limo ishilati ilumbulwe mwi sonde, Kristu aliikele palya nga Kapapatila **ukusakama ilye shina.** [5]

Lelo Lesa alefwaya imfwa, icikonsolwelo (*Abena Roma 6:23; Abahebere 2:9-10; Abahebere 9:22*). Nomba, kuliko ubupusano ubukalamba pakati ka bukapepa ne pusukilo. Bukapepa caba cifimbo. **Ipusukilo caba ukufyalwa, icabupe cakwa Lesa,** kabili kwena teti kubombwe no muntu atemwa ibumba limo ilya bantu. **Caba umo umo uo Lesa apela ici cabupe kuli wene (Abena Roma 3:21-26).** Kabili ifi fyabupe fya Mweo wa Muyayaya fyasontelwe na Lesa kuli cila muntu ilyo tatulakwata ne sonde, ukulingana na Malembo. Baibele itila mu Kusokolola, ukutila munkanyakristu uyo uwali no kwisa pesonde, **kuti abepa bonse abekala pesonde, abo amashina yabo tayalembelwe mwi Buku Iya Mwana wa Mpanga ilya Mweo ilyo mufula we sonde taulalengwa (Ukusokolola 13:8).** Lesa, ku kwishibila kabela Kwakwe, amwene abo abengesa kabili nabashakese, Kristu aishile ika ukupangila inshila, abo abengesa. **Mwamona, ukwishiba bambi (Imilimo ya Batumwa 22:14).**

Nga Ena ni Lesa mucine, Ena alingile ukuba uwa muyayaya. Kabili nga Ena **wa muyayaya,** Ena tekuti

abe uwa muyayaya ukwabula ukuba **uwa maka yonse**. Ena tekuti abe uwa maka yonse ukwabula ukusangwa konse. **Ena teti abe usangwa konse ukwabula ukwishiba fyonse**. E ico, mulemona, fyonse filya filamulenga Wene Lesa.

E ico Ena aliishibe impela ukufuma ku kutendeka. Ena aliishibe uyo uwingacita na uyo ushingacita, kabili Ena aishibe kulya kwali abengi abo abengacita, e ico Ena atumine Kristu ukupanga icikonsolwelo kuli **abo abengesa**. Nomba, tapali nangu cimo ico tucita ico twinga kwata icakucita na cena. Yesu atile, “*Bonse abo Tata Ampela, na* (insoselo pa cakale). *Bakesa kuli Ine. Kabili takuli umuntu uwingesa kuli Ine kano Tata amukula.*” (Yohane 6:37, 44: 10:27-30). Nomba, mwamona, **fyonse fyali mu kwishibila libela kwakwa Lesa**.

Mwatila, Munyina Branham, bushe emo ndi?” **Nshishibe. Ndesubila efyo ndi. Tulabomba ipusukilo lyesu no mwenso no kukutuma** (*Abena Filipi 2:12-13*). Nomba, **ulukuta lwalilingilwa kabelu uku kumanya Lesa ukwabula akalitoni nangu akalukanshi** (*Abena Efese 5:25-27*). Nomba, nga tuli muli lulyo Lukuta, ifwe twalilingilwa libela na lulyo Lukuta. Nomba, **icencenteni mwebene ne Cebo, lyena kuti mwa fwailisha epo ifwe twafika** (*11Abena Korinti 13:5*).

Ndemweba, **ipusukilo lyaba lya umo umo no muntu na Lesa eka: umuntu umo, ukubombela ipusukilo lyesu no mwenso no kututuma**. Kabili nshaishiba ishintililo nangu limo, nga kasambilisha, atemwa nga kapyunga wakwa Kristu, ukucila ukubika cena pa Cebo. Teti mbike cena pa cintu icili conse icashala. [7]

Lesa aliishibe impela ukufuma ku ntendekelo, e ico kanshi Ena kuti atantika ifintu fyonse, ukutila cali no kubomba fye ku bukata Bwakwe (*Abena Roma 8:28-*

30). **Kabili cilya ciletupela ukushipa**, ukwishiba ukutula te mulandu icileisa atemwa ukuya, **Les aalelenga ifintu fyonse, inkoloko ileenda fye panshita** (*Abena Efese 1:3-6*).

Inshita shimo tulanakuka, ukukalifiwa. Tula angufyanya. Ifwe tulatontonkanya, “Owe, ifwe tulingile ukucita ici atemwa ukucita cilya.”

Lelo, ibukisheni, **inkoloko yakwa Les aili nokuba fye pa nshita**. Fyonse ifi fintu filingile ukuba uyu musango. **Fyonse filingile ukucitwa ukulinga no kwishiba kwakwe ukukalamba, ukwishibila kabela Kwakwe, pantu ku kwishibila kabela Ena kuti alingila kabela; te mu kukabila Kwakwe, lelo ku mano Yakwe. Les aalingila kabela ku kabila Kwakwe. Ena tafwaya ukutula onse akonaika, lelo ku kwishibila kabela Kwakwe Ena aliishibe uyo ukasumina cena no y ushakacite.** E ico kanshi Ena kuti alenga fyonse ukubomba ukulingana ne nkoloko ya nshita Yakwe ikalamba iyo ileenda, **pantu Ena kuti alandila kabela impela ukufuma ku ntendekelo.** Kabili, e ico, Ena aliishibe ukutula ifwe tukekala muli buno bushiku. Ena aliishibe ukutula buno bukaba ubushiku bwesu. **Ena alikwata amapange kuli buno bushiku.** Ena alikwata amapange aya cila bushiku. Kabili takwatala kwaba limo Iya mapange Yakwe ayatalile ukufilwa. **Ena lyonse aba pa nshita.** (*Lukala Milandu 3:1-11*). [8]

Ena asokolola fye Icebo Cakwe mu mukulingilwa kabela. Nomba, ilyo na bomfya ishiwi, “ukulingilwa libela, lyena lishiwi ilyabipa ukubomfya mu cintu bwingi, makamaka ilyo tukwete amabumba aya sankanishiwa pakati kaba Araminian kabili na ba Calvinist. Nde milomba imwe ukukana tontonkanya mwalishiba fyonse fya Cena, lelo bena bonse babili bali muñilubo ukulingana na Malembo. **Ukusenamina**

eko Lesa acitile ine imilimo eyo ine ncitila Wene (*Yakobo 2:14-26*).

Lelo ishiwi, ilyo nabofya lyena “ukulingilwa libela,” lilya e shiwi fye leka naishiba ifyakulenga... **kwena kwishiba kabela kwakwa Lesa, ukutla Ena alishiba. Ena afwile ukutla bonse bapusushiwe** (*Abahebere 2:9*); Ena alicitile; **ku kwishibila kabela Kwakwe Ena aliishibe uyo uwingacita noyo ushingacita. Cilya e co Ena aishiba; nshaishiba cena; imwe tamwaishiba Cena, e ico tulabomba ipusukilo lyesu no mwenso no kututuma** (*Abena Filipi 2:12-13*).

Nomba, lelo Lesa alitantika Icebo Cakwe, kabili Ena alicita munshita shonse. **Ukwishibila kabela Kwakwe kwa lengele Wene ukutantika mu lukuta, na mu bantu, ifintu fimo ifyo Ena acitile ukufuma pa kutendeka.** Kabili lyena Imbila nsuma iyo ileshimikilwa kuli ilya nshita **lisokolwelwa fye kuli balya bantu bamo; abashala muli bena tabamona cena** (*Mateo 13:10-17*). “*Nde Mutotela, Tata, mwalifisa ifi fintu ku menso ya ba mano na ba mucetekanya, kabili na musokolwela Cena ku tunya nga uto utwingasambilila*” (*Mateo 11:25*). Kulya kulingilwa kabela. **Moneni ico Ena abombe naco, mwatila, “Nkakusala, kabili iwe nshakakusale.” Ku kwishibila Kwakwe kabela Ena aliishibe ico imwe mukacita.**

Nomba, Ena alasokolwela ifi fintu **ku kwishibila kabela Kwakwe kuli abo Ena asontele kuli ifi fintu; nga teifyo tabacimona cena.** Ukwiminina palya pene ukulolekesha fye pali cena kabili teti bacimone cena (*Esaya 6:9-10*). Ku kwishibila kabela Kwakwe Ena alingile kabela ifi fintu ukucitika (*11 Petro 1:21; 11 Timoti 3:16-17*).

Ena alasala umuntu Wakwe umwine ku kwishibila kabela Kwakwe. Nge fyo Ena asosele mu Bena Roma

9:10-13 pano, ukutila ukusala kwakwa Lesa ku pampamikwe...Ukutila Esau na Yakobo bonse babili ukufyalwa ku bafyashi ba mushilo, ba mpundu, ukutila ukusala Kwakwe kwiminine ukwa cishinka kabili ukwa cine, Ena atile, “Nalipata Esau no kutemwa Yakobo,” ilyo abalumendo bonse babili tabala fyalwa. Mwamona? **Ena aliishiba ico icili mu muntu. Ena aliishibe cena ukufuma ku kutendeka ifyo cena cali; e ico kuti alenga ifintu ukubomba panshita fye.** Ifwe tulaba aba mwenso no kukalifiwa; **Imwe tamwatala ukumona Wene ukukalifiwa;** bena tabacita. Mwamona? Ifintu fyonse ukubomba fye bwino; filya fine fye, inkoloko ileenda. [9]

Ilya e nshila fye yeka muli no kwishiba Wene ilelo (*Yohane 17:3*), inshila fye yeka muli no kukwata ubusokololo wa fintu fitatu fyakwa Lesa cili ku Mupashi wa Mushilo. Kabili **inshila fye yeka cingatala ukuba, imwe mwali lingilwa kabela ukumona cena.** Nga tacilecita, imwe tamwakatale mona cena. **Nga imwe tamwalingilwa kabela ukumona cena, imwe tamwakatale mona cena,** pa mulandu lulyo lubuuto kuti lwa byasha kabili kuti mwaya no kusenteka lwena no kulondolola cena ukucitalusha kwi tontonkanya lya kwishiba ilyo Lesa Umwine aleilangisha Umwine no kushininkisha cena. Mwamona? **Lelo nga tacili pali imwe ukumona cena, imwe tamwakamone cena.**

Lesa tatalile fye ukusosa, “Nalasala uyu, nalasala ulya...” umulandu Ena engalingila kabela ni pa mulandu Ena wa muyayaya, kabili Ena aliishiba fyonse. Ena wa muyayaya. E ico kanshi aliishibe ifintu fyonse. **Ena aliishibe impela kabili kuti alanda impela ukufuma ku kutendeka.** Ena ni Lesa. Nga Ena teti acite cilya, Ena te Lesa. Cilya eco. Ena wa muyayaya. [10]

Ndecetekela kuli Nabwinga uyo uwalingilwa kabela. Ndecetekela Lesa alisosa Ena akakwata ulukuta ulushakakwate akalitoni nangu ulukashi (*Abena Efese 5:25-27*). Nalicetekela mu kulingilwa kabela; **ukutila Nabwinga ali lingilwa kabela** (*Abena Efese 1:3-9*); **Wene alingile ukuba kulya, ndesubila ndi na Wene. Ndi na Wene.** Nomba, **cena cili kuli ine ukubomba ipusukilo lyandi na Lesa mpaka ifi fintu fyashininkishiwa na Lesa kabili lyena no kukakatikwa mu Bufumu bwakwa Lesa.** Ulya palya Mupashi wa Mushilo. Ilya palya imilimo iya cine iya kwa Lesa. Lwalikakatikwa mpaka ubushiku bwa kulubulwa (*Abena Efese 4:30*).

Lekeni nsose cena bwino nganshi pa kutila mumfwe cena: Ulukuta lwali lingilwe libela ukuba kulya. Ndefwaya nkabe na lwena, lelo inshila fye yeka ningaba na lwena, **cili ukuba iciputulwa ca lwena.**

Musangonshi njisa mukuba iciputulwa ca lwena? **Pakuba muli lwena.** Musangonshi ningesa muli lwena? **Ku lubatisho, ku Mupashi umo.** *1 Abena Korinti 12:13, "Ku Mupashi umo ifwe bonse tulabatishiwa mu mubili umo...kabili ifwe bonse twalilengwa ukunwa mu Mupashi umo, Umubili umo, ukubatishiwa muli wene (1 Abena Korinti 12:27).*

Imwe teti musende ifi fintu finono, ukusosa, "Nalilandila mu ndimi. Ninkwata Cena." Imwe muye kunse uku, kabili mulaya kunse uku, uwakalipa, no kulapa, no kucita ifya kucita cita, cilya kubika amasako ya pikoko mu cuni iciitwa jay. Mwamona? Imwe teti mucicite. **Ubumi bwenu mwebene bushininkisha ukutila cena tacili fyo. Lelo ilyo ifi fintu filebombela muli imwe na Lesa, lyena mulakakatikwa** (*Abena Efese 1:13-14*). Lyena takuli ifyakupashanya pali cena. Imwe muli fye pa lwenu. Lilya e lintu ifimonwa,

iyapwililika imilimo yakwa Lesa iya Mupashi wa Mushilo, ifintu fyonse filalengwa ukumonekela. **Pa mulandu cinshi? Imwe na Kristu mulaba umo** (ndesubila cilya nacumfwika), **imwe na Kristu mulaba umo** (*Abena Efese 4:4-6*). ^[11]

Lesa, ilyo mufula we sonde taulalengwa, **Uyo uwaishibe impela ukufuma ku ntendekelo, ku kwishibila kabela Ena alisalile apa kuputula; Ena aliishibe ubupusano pakati ka kwa Esau na Yakobo. Ena aliishibe ubupusano pakati ka mubembu no wa mushilo. Ena aliishibe ubupusano. Ena alishiba amapange ya mutima onse, e ico Ena alitusalile ilyo mufula we sonde taulalengwa no kubika amashina yenu mwi Buku Iya Mweo Iya Mwana wa mpanga; kabili na cimbi Umwana wa mpanga uyo uwali no kwipaiwa** (kabili abikile amashina yenu ilyo Ena talaipaiwa), kabili Baibele itila Kristu ali Umwana wa mpanga uyo uwaipaiwe ilyo mufula we sonde taulalengwa. Ilyo Ena asalilwe kunuma kulya ukuba Umwana wa mpanga ku kwipaiwa, ifwe twalisalilwe ukuba ulya uyo Ena aipailwepo (*Ukusokolola 13:8*). ^[12]

Lyena ilyo Lesa aipeye Umwana wa mpanga mu matontonkanyo Yakwe umwine ilyo mufula we sonde taulalengwa ukushininkisha imibele Yakwe, ifyo Ena ali, ilyo Umwana wa mpanga aipaiwe, ifwe twaliipaiwe pamo na wene. Ilyo Umulopa wa Mwana wa mpanga waiketwe mu mano Yakwe umwine kunuma kulya ilyo mufula we sonde taulalengwa, ilyandi na mashina yenu lyalilembelwe pe Buku lilya. Fyonse mu kutontonkanya Kwakwe ukukalamba. Ena wa muyayaya. Nga Ena tali ifyo, cinshi ico Ena asuminishe cena? ^[13]

Inshita ishingi ilyo twalolekesha pa Malembo mu nshila ¹²Yesu fwebene tulemwenamo, cilamoneka

icakosa nganshi, lelo nga twabelenga yena pakashita fye, tulesanga ukutila uwamano yonse Lesa aliishiba fye ifyo Ena alecita. Kabili Ena aliishiba ifyakucita ifi fintu kabili ne fyakubombela pa bantu. **Ena aliishiba ico icili mu muntu** (1 Abena Korinti 2:11-16). Ena ali mwishiba wene. Ifwe tatwaishiba. **Ifwe twaishiba fye ku lubali lwa masambililo. Ena aliishiba mucine ico cili mu muntu.** Pantu Shikulu alafwailishe imitima yonse kabili aleluka amalenganyo yonse ya matontonkanyo (1 Milandu 28:9).

Tulemona na Mose ifyo afyelwe muli ili sonde ngo mulumendo uwa kwete icabupe; ena afyelwe ukuba kasesema, kapokolola. Ena afyelwe ne cibombelako ukufyalwa muli wene, ngefyo umuntu onse uwisa muli ili sonde alafyalwa neci ca kubomfya. Nge fyo nganshi nacetekela mu kwishibila kabela kwa kwa Lesa, ukulingilwa kabela – **te kutila Lesa alefwaya ukutila onse akonaike, lelo bonse bakese mukulapila** lelo pakuba Lesa, Ena aliishibe, **kabili aliishiba impela ukufuma ku ntendekelo.** Ena nga talecita, lyena Ena te wa muyayaya; kabili nga Ena te wa muyayaya, Ena te Lesa. E ico Ena talefwaya, mucine, ukutila onse akonaike, **lelo Ena, ukwishiba uyo ukonaika no yo ushakonaike.**

Ulya e mulandu wine, ipange line ilyo Yesu aishile pe sonde lyali **ukupususha balya abo Lesa mu kwishibila kabela Kwakwe amwene ukutila balefwaya ukupusushiwa, pa mulandu isonde lyonse lyalisekelwe.** Kabili nshilemona umusango uo twingasambilisha cena inshila imbi ukucila **ukwishibila kabela kwakwa Lesa.** Kabili Baibele ilasosa palwalwa ukutila Ena aliishiba impela ukufuma pa kutendeka kabili kuti alanda cena. E ico kanshi, **ilyo umuntu¹³ aesha ukuba icintu cimo ico bena tababa,**

beni balebite fye ceni ukupashanya; kabili ili line nangu pantanshi cikamusanga imwe. Imembu shenu shikamusanga. Imwe teti mushifimbe shena. **Kwaba fye icakufimbapo cimo pa lubembu; cilya Mulopa wakwa Yesu Kristu, kabili teti bubikwe kano fye Lesa ali mwita ukufuma ilyo isonde tailalengwa.** ^[14]

Owe, ndesubila ukutula Lesa aleleta ici ku mutima wenu. **Te cintu ico mwinga isambilishako mwebene, ceni te cintu, mwingabelenga mwebene muli ceni. Ni cilya ico Lesa, ku kusala, acitila imwe.** *“Te ca ufwaya, nangu ubutuka iyo lelo cakwa Lesa ubelelo uluse” (Abena Roma 9:14-16)* ^[15]

Ine lyonse ndapatikisha abantu, **“Kabiyeni ku chalici, te mulandu uko mwaya.”** Kabili ndamona abantu nga abalebwelela kunuma, kabili ukuya iyi nshila. Kabili natontonkenye, *“Bwafyanshi?”* Naliile kuli bamo muli beni. *“Ubushiku bwakubalilapo uli kulya, Beni bakesa kuli iwe: ilunde ku lukuta lwesu’ nga taulecicita, iwe tauli uwasengelwa.”* Ceni cintu cakupatikishiwa; ceni cilapatikishiwa pali iwe, kabili cilya ni Babylon. **Lelo muli Kristu, imwe mulesamo mu kusalwa, te kupatikishiwa; umutima wenu ula mutintilamo.** ^[16]

Ayengi amepusho pano pali (Nabwinga no lukuta): *“Cisuma, bushe Nabwinga...Bushe ici? Ulukuta na...?”* Imwe teti mupatulanye ifyo baba. Nabwinga baba **Abasalwa bakwa Lesa (Yohane 15:16). Ulukuta lukaya ukupita (mubucushi).** Balya ebo itila, *“Uyo onse ukacita, lekeni ese” (Ukusokolola 22:17).* **Lelo Nabwinga untu Wasalwa wakwa Lesa.**

Kwaba ama ofeshi yasano ayasalwa ayakwa Lesa. *“Pantu Lesa alibika mu lukuta abatumwa, bakasesema, bakasambilisha, bakacenma, bakabila bambila nsuma” (Abena Efese 4:11; 1Abena Korinti 12:28-30).* **Lesa alicitile cilya. Umuntu alikwata ba dikoni na fimbipo,** kabili na fyonse ifyashala, lelo

mulemona. **Lesa alibika mu lukuta ku kupwililika kwa Lukuta—teti mupatule cena.** ^[17]

Kuli ukwingi nganshi ukakana cetekela ukuya mufyakumfwa umfwa ne fintu ifyapusana nga filya. Lelo ilyo mu mutima wenu mwacetekela cena (*Abena Roma 10:8-10*), **ilyo icintu cimo cacitika kuli imwe, ni Lesa e wacicitile**, kabili Lesa eka fye e wingacita cena. **E ico Lesa mu kusenamina no kusala abikile cilya mu mutima wenu ukucetekela cena. Tacalimo mulya icakwambilapo, kabili tamwakwete inshila iya kubikilamo cena mulya. Lesa abikile cena mulya kabili mwalyaswike ubwite.** ^[18]

Kabili ilyo Mupashi wa Mushilo waisa...Kabili muli pesonde, ukulanda kuno lubali ngo mubembu; **ukuya fye panshi mu bumi bwenu kuliko cintu cimo.** Imwe tamwishibe ico icilecitika, **lelo muli nensala** (*Mateo 5:6*). **Kuliko icintu cimo muli imwe, icintu cimo ico imwe tamwatalile bika mulya.** Cena cintu cimo ico imwe tamwatalile kabila ukuba mulya. **Cena cintu cimo ico icaba icapusana ku cifyalilwa cenu mwebene.** Cena kwishibila libela kwakwa Lesa ukulecitika, Icebo cakwa Lesa. ^[19]

Mupashi wa Mushilo wapelwa ukuleta Umweo kuli shilye Mbuto isho Lesa, ku kwishibila Kwakwe libela, alishibe shikaba pano pesonde. Ngefyo Ena aishibe imbuto shakubalilapo shacifyalilwa, **Ena aliishiba uko imbuto ya bumupashi ili.** Umubili wenu wali pano pene pesonde, ilyo Lesa intanshi aletele isonde mukumoneka. Ifwe tuli filundwa fye sonde. Ifwe twalilele kulya. **Kabili ku kwishibila Kwakwe kabela Ena aliishibe filya fine uyo uka Mutemwa kabili noyo ukabombela Wene, kabili no yo ushakacite.** Ukwishibila Kwakwe kabela kulalanda cilya. Nga tacilecita¹⁵, lyena Ena te Lesa. Ena teti abe Lesa

ukwabula ukuba uwa muyayaya. **Kabili nga Ena wa muyayaya, Ena aliishiba ifintu fyonse.** [20]

Umwakumona :

- [1] “Amaka Ya Kusangula”(65-1031M), par. 237
- [2] “Ubwana Pt. 1” (60-0515), par. 106
- [3] “Ubwana Pt. 4” (60-0522E), par. 89
- [4] “Ubwana Pt. 3” (60-0522M), par. 47-55
- [5] “Icikakatikilo Ca Ntanshi” (63-0318), par. 59
- [6] “Mulandunshi Nsushisha Bu Kapepa
Bwabunganishiwa” (62-1111), par. 34-37
- [7] “Ukupelwo Mulandu” (63-0707), par. 106
- [8] “Icishibilo Ca Pulamo” (63-1129), par. 10-12
- [9] “Ukwesha Ukubombela Lesa Umulimo Ukwabula
Ukuba Ubufwayo Bwakwa Lesa” (65-1127B),
par.

131-139

- [10] “Kristu E Nkama Yakwa Lesa Ukusokololwa” (63-0728), par. 335-336
- [11] “Amashina Ya Miponto” (62-1104), par. 172-175
- [12] “Bana Cisungu Ikumi Limo” (60-1211M), par.
191
- [13] “Ubufyashi Bwansoka” (58-0928E), par. 96-97
- [14] “Cinshi Ulelila, Sosa” (63-0714M), par. 31-32
- [15] “Ukumfwa, Ukwishiba, Ubombela Pa Cebo
Cakwa

Les” (60-0221), par. 57

- [16] “Incende Iyapelwa Yeka Iyakwa Lesa” (65-1128M), par. 204-205
- [17] “Amepusho Na Masuko”(64-0823E), COD- Book
pg. 1005, par.53 -54
- [18] “Abrahamu No Bufyashi Bwakwe
Ubukamukonkapo” (61-0423), par. E-33
- [19] “Icikakatikilo Ce Pasaka” (65-0410), par. 63

[20] “Umo Muli Millions” (65-0424), par. 62-63

ILIBWE LYA BUMUPASHI No. 93 (Ilipya 2020)
ukufuma mu Cebo Casokololwa ca ino ora, lyatantikwa
naba Gerd Rodewald, Friedenstr. 69, D-75328
schomberg, Germany, [www. biblebelievers.de](http://www.biblebelievers.de)

Nga mulefwaya ututabo natumbi kuti mwatumina
lamya kuli ba Emmanuel Believers Fellowship
0966402048/ 0974367607 Isoka-Zambia.